



宋元通鑒

五十一卷五十三

宋徽宗



五十一

特別
U8
3719
16



3719
16

宋元通鑑卷第五十

明賜進士前憲大夫浙江按察司提學副使兩京吏禮郎中武進薛應旂編集

長洲 陳仁錫評閱

宋紀五十

起丁亥至戊子凡二年

徽宗四

再用京

大觀元年春正月甲午以蔡京為尚書左僕射兼門下侍郎壬寅吳居厚罷壬子以何執中為中書侍郎鄧洵武梁子美為尚書左右丞子美初為河北轉運使領漕計以奉上至損緡錢二百萬市北珠以進由是諸路漕臣效尤爭進羨餘矣北珠出于女真子美

進羨餘

進珠

市于遼遠嗜其利虐女真捕海東青以求珠女真深怨之而子美用是顯 二月己卯復行方田 三月丁酉趙挺之罷以何執中鄧洵武爲門下中書侍郎梁子美朱諤爲尚書左右丞 以鄭居中同知樞密院事蔡京之再相也居中有力焉京薦之初居中直學士院自言爲鄭貴妃從兄弟妃家世微亦倚爲重及居中入樞府妃時已貴重於居中無所賴乃用宦者黃經臣計以親嫌爲請改授中太一宮使居中不憚蔡京爲言宥府本兵之地非三省執政用親無嫌經臣沮之于是居中疑京援已不力怨之 以蔡攸

徐中行

爲龍圖閣學士兼侍讀 甲辰立八行取士科八行者孝友睦婣任恤忠和也凡有此八行者即免試補太學上舍知台州李諤文以徐中行薦中行聞之盡毀其所爲文入委羽山以避之或問之中行曰人而無行與禽獸等使吾得以八行應科目則彼之不被舉者非人類歟 癸丑趙挺之卒挺之字正夫密州諸城人初舉進士在德州以希意行市易法蘇軾謂其聚斂小人不當召試館職既乃劾軾誹謗先帝且建議紹述排擊元祐諸人反覆窺覘以取高位雖小有才不足論也 以葉夢得爲起居郎時蔡京再相

通鑑卷五十一
向所立法度已罷者復行夢得上言周官太宰以入柄詔王馭羣臣所謂廢置賞罰者王之事也太宰得以詔王而不得自專夫事不過可不可二者而已以爲可而出於陛下則前日不應廢以爲不可而不出於陛下則今不可復今徒以太臣進退爲可否毋乃陛下有未了然于中者乎上喜曰邇來士多朋比媒進卿言獨無觀望遂除起居郎時用事者喜小有才夢得言自古用人必先辨賢能賢者有德之稱能者有才之稱故先王常使德勝才不使才勝德崇寧以來在內惟取議論與朝廷同者爲純正在外惟取推

行法令速成者爲幹敏未聞器業任重識度經遠者特有表異恐用才太勝願繼今用人以有德爲先上然之夏五月以蔡薺爲給事中薺初以對策阿附甫解褐即除秘書正字未踰年爲侍從前此未有也巳丑貶呂惠卿爲祁州團練副使庚寅鄧洵武罷時妖人張懷素謀反朝士多株連者而洵武與其黨連姻遂罷甲午詔班新樂于天下癸卯詔諸路監司勿任元祐學術者六月巳未以梁子美爲中書侍郎乙亥朱諤卒諤字聖與秀州華亭人初名綬進士第十二以同黨籍人姓名故改名在蔡京門下

歷官右丞相善附合不能有所建白既歿京為之志其墓 秋七月戊子詔括天下漏丁 八月乙卯曾

布卒布字子宣南豐人輩第舉進士歷官右丞相進

紹述之說既歿乃謚文肅 庚申以徐處仁為尚書

右丞林摠同知樞密院事處仁尋罷 九月貶侍御

史沈疇監信州酒稅竄御史蕭服于處州時蔡京怨

劉達會蘇州盜鑄錢獄起京欲陷達婦兄章縉兄弟

遣開封尹李孝壽鞫之株連者千餘人彊抑使承死

者甚眾京猶以為緩遣侍御史沈疇御史蕭服徃代

疇至蘇即日決釋無左證者七百人歎曰為天子耳

沈疇

蕭服

真御史

目司而可傳會權要殺人以苟富貴乎遂閱實平反

以聞京大怒貶疇監信州酒稅服羈管處州而縉竟

竄海島 程順卒年七十五順字正叔於書無所不

讀其學本於誠以大學論語孟子中庸為標指而達

於六經動止語默一以聖人為師卒得孔孟不傳之

學為諸儒倡著易春秋傳平生誨人不倦故學者出

其門最多淵源所漸皆為名士而劉絢李籲謝良佐

游酢張繹蘇昞呂大臨呂大鈞君焯楊時成德尤著

世稱為伊川先生 冬十月己未詔士有才武絕倫

者歲貢準文士上舍上等法 閏月丙戌以林摠為

通鑑卷五十一

尹

尚書左丞復以鄭居中同知樞密院事居中既怨蔡東遂陰與張康國比而間東都水使者趙霆得兩首龜于黃河獻以為瑞東曰此齊小白所謂象罔見之而霸者也居中言首豈有二人皆駭異而東獨主之殆不可測帝命弃龜金明池謂居中愛已故申前命流太廟齋郎方軫于嶺南時軫上書言蔡東睥睨社稷內懷不道專以紹述熙豐之說為自媒之計內而執政侍從外而帥臣監司無非其門人親戚東每有奏請盡作御筆行出語人曰此上意也明日不行又語人曰東實啓之也善則稱已過則稱君必欲陛

下歛天下之怨而後已自元符末陛下嗣服忠義之士投匭者無日無之東分為邪等黥配編置不齒仕籛職誰肯為陛下言哉東又使子使日以花石禽鳥為獻欲愚陛下使不知天下治亂臣以為東必反也請誅東詔宣示東東請下軫獄竟流嶺南十一月壬子朔日食蔡京以不及所當食分率羣臣稱賀建靖海軍王祖道言地文蘭那四州蠻皆內附請于黎母山立鎮州賜軍額曰靖海十二月置黔南路加蔡京太尉召王祖道為兵部尚書初南丹州地與宜州及西南夷接壤世為莫氏所居自署刺史王祖

道欲取之，乃誣其酋莫公佺阻文蘭州，不令納土發兵討之。擒公佺，以南丹州爲觀州。公佺弟公晟結溪峒報服，侵掠城邑，殺刺史蔡京，匿不以聞。特置黔南路，領庭平、平允、從宜、柳融及觀九州。京以功加太尉，而召祖道爲兵部尚書。祖道在桂四年，厚以官爵金帛，挑諸夷建城邑，調兵鎮戍，輦輸內地，錢布鹽粟無復齊限。地瘴癘，戍者十亡五六，實無尺土一民，益于縣官。時廣南西路轉運副使張莊與祖道表裏，遂以代其任。祖道莊旣鑿空，超取顯美，由是龐恭孫趙通程鄰相與效之，邊壤益多故矣。涪州夷內附，以其

地爲珍。承州知涪州龐恭孫說誘之也。乾寧軍言

黃河清，七晝夜詔以乾寧軍爲涪州。廬州雨豆。

二年春正月壬子，朔帝御大慶殿，受八寶。羣臣稱慶赦，先是有以玉印六寸龜紐獻者，文曰承天福延萬億，永無極。詔名鎮國寶，至是又得良玉。帝命作六寶以合秦制。天子六璽之數，與受命鎮國通曰八寶。蔡京特上表賀。京又奏甘露降，侍中廳延福宮竹生紫花黃蕊，祕閣槐枝連理，御筆曰昨日仙鶴三萬餘隻盤旋雲霄之上。京又奏有仙鶴數萬隻蔽空飛鳴。又奏建州竹生花，結成稻米，搬入城市，貨糶所收數

通鑑卷五十一
十萬石。又奏穰縣生瑞穀，安化縣生芝，中都計五萬本。汝州生碼碯山子一百二十座，及諸州雙頭蓮、連理木、甘露降、仙鶴集、雙瓜、雙頭芍藥、牡丹凡五十三百種，有奇拜表稱賀。又言冀州黃河清，汝州牛生麒麟六十二處，降甘露二十處，木皆連理，二處祥雲現，三處見毫光祥烟。手詔云：金芝產于良嶽，萬壽峰宜改名壽嶽。蔡京導主上酷好祥瑞，而李讓以竹釘豎芝中，于蟾蜍背以獻。及至一夕而解，故釘猶在梁子。堊進嘉禾，則以膠粘紙纏，皆不之臯。范齊詐稱牛生一物，今已被村民壞了。切慮即麒麟也。程祈言扶邦。

彥家收得異禽，恐鳳皇也。無根之語不可勝數。己未進蔡京太師，加童貫節度使，內臣建節始于此。戊寅河東非盜起。二月甲午，以葉夢得爲翰林學士，夢得極論士大夫朋黨之弊，專于重內輕外。且乞身先衆人補郡。蔡京初欲以童貫宣撫陝西，取青唐。夢得見京，問曰：祖宗時宣撫使皆是見任，執政文彥博、韓絳因此即軍中拜相，未有以中人爲之。元豐末，神宗欲命李憲，雖王珪亦能力爭。此相公所見也。昨八寶恩遽除黃節度使，天下皆知非祖宗法。此已不可救。今又付以執政之任，使得青唐，何以處之。京有慙色。

已而卒用貫取青唐。劉詵上徵聲詔曰自唐以來正聲全失無徵角之音五聲不備豈足以道和而化俗哉。劉詵所上徵聲可令太晟附同教坊依譜按習仍增徵角二譜候習熟來上。初進士彭几進樂書論五音言本朝以火德王而羽音不禁徵調尚闕禮部貢外郎吳時善其請建言乞召几至樂府朝廷從之至是乃降是詔。三月庚申班金籙靈寶道場儀範于天下。夏四月甲辰復洮州。童貫奏至百官表賀。五月庚戌朔日食辛亥以復洮州功賜蔡京玉帶加童貫檢校司空。京請佩金魚遂為故事。六月瀘

南夾納土詔以為珍州。秋八月丙申梁子美罷知鄆州。九月辛亥以林攄為中書侍郎余深為尚書左丞時攄知開封府同治妖人張懷素獄事多連蔡京二人曲為掩覆凡獄辭及交通書問有及京者輒取焚之京深德二人故力引之。癸酉皇后王氏崩謚曰靖和。冬十月以石公弼為御史中丞。十一月丁未朔太白晝見辛酉訪求古禮器壬戌詔討論臣庶祭禮。十二月壬寅陪葬靖和皇后于永裕陵。知桂州張莊奏安化上三州一鎮諸蠻納土共五萬一千一百餘戶二十六萬二千餘人幅員九千餘

里又奏寬樂州安沙州諸州四州七原等州納土計
二萬人一十六州三十三縣五十餘峒幅員萬里蔡
東帥百官表賀詔莊兼黔南經畧安撫使渝州蠻
內附以其地為漆州詔以孔伋從祀孔子廟復
詔行方田法

宋元通鑑卷第五十

已未仲秋九日點焉 林學士

宋元通鑑卷第五十一

明賜進士前憲大夫浙江按察司提學副使兩京更禮郎中武進薛應旂編集

長洲

陳仁錫評閱

宋紀五十一

起已丑至庚寅凡二年

徽宗五

大觀三年春正月丁卯夷州納土已巳胡耳西道蠻
納土甲戌升湟州為饗德軍節度二月丙子朔播
州楊文貴納土以其地置遵義軍丁酉童貫自檢
校司空奉寧節度使進司徒易鎮洮州葉夢得當草
麻道勉奉詔及制出鄭居中乃摘制語言于貫曰葉

通鑑卷五十一
內翰欺公至託王言以寓微風貫問其故居中曰首
詞有云眷言將命之臣宜懋旌勞之典凡今內侍省
差一小中官降香則當曰將命修一處寺觀造數件
服用轉官則曰旌勞公以兩府故事爲宣威麻辭乃
爾是以黃門輩待公也又其末云若古有訓位事惟
能德因敵以威懷于以制四夷之命賞賚功而輕重
是將明八柄之權尚書周官分明上面有建官惟賢
一句不使却使下一句謂公非賢爾賤功輕重之語
亦以公之功止于此不足直醜賞也貫初垂涎儀
同已大失望聞之頰面徑揖起歸質諸館賓俾字字

解釋而已聽之其言頗符乃大怒泣訴于上納告榻
上竟不受 三月壬申張康國暴卒康國字賓老維
揚人舉進士始因附蔡京而進及在樞府寢爲崖異
時帝惡京專悞陰令康國阻其奸且許以相京忌康
國遂引吳執中爲中丞執中將論康國康國先知之
且奏事留白帝曰執中今日入對必爲京論臣臣願
避位旣而執中對果陳其事帝怒黜執中知滁州至
是康國出朝退趨殿廬得疾仰天吐舌昇至待漏院
卒或疑中毒云 童貫權益張與黃經臣胥用事中
丞盧航表裏爲奸搢紳側目右正言陳禾曰此國家

陳禾

安危之本也。吾任言責，此而不言，可乎？遂上書劾貫經、臣怙寵弄權之罪，願亟竄之。遠方論奏未終，帝拂衣起，承引帝衣，請畢其說。衣裾落，帝曰：「正言碎朕衣矣。」承言：「陛下不惜碎衣，臣豈惜碎首以報陛下！」此曹人自受富貴之利，陛下它日受危亡之禍，言愈切。帝變色曰：「卿能如此，朕復何憂！」內侍請帝易衣，帝却之曰：「留以旌直臣。」翌日，貫等相率前訴，謂國家極治安，得如此不祥語，盧航奏承狂妄，謫監信州酒。夏四月，戊寅，林攄罷。時集英殿貢士傅臚，攄當傳姓名，不識臚盜字，帝笑曰：「卿誤邪？」攄不謝，而語詆同列。御史

孟翊

論其寡學倨傲不恭，失人臣禮。黜知滁州。久之，自揚州徙大名，道過闕，為帝言頃使遠，見其國中攜貳，若兼而有之，勢無不可。蓋欲報其辱也。帝由是始有北伐之意。癸巳，以鄭居中知樞密院事，管師仁同知院事。癸卯，以余深為中書侍郎，薛昂、劉正夫為尚書左右丞。昂與余深、林攄附蔡京，最久。昂至舉家為京避私諱，或誤及之，輒加笞責。昂嘗誤及，即自批其口。五月乙巳，朔，學官孟翊自謂精于易，獻所畫卦象，謂宋火德將中微，有再受命之象。宜更年號，改官名，變庶事，以厭之。不然，期將至矣。帝不悅，詔竄之。遠方

夢得亦是
有意思人
此一夫頗
佳

樂

蔡京罷

石公弼

張克公

郭天信

戊午以龍圖閣直學士葉夢得出知汝州尋落職
提舉洞霄宮鄭居中以夢得軋已故陰語童貫令去
之詔今學校所用雅樂不過春秋釋奠諸賜宴辟
靡乃用鄭衛之音雜以俳優之戲非所以示多士自
今一用雅樂六月甲戌朔詔修樂書管師仁罷
為佑神觀使丁丑蔡京罷東專國日夕中丞石公
弼殿中侍御史張克公劾京罪惡章數十上上亦厭
京遂罷為太一宮使初上為端王時太史局有郭天
信者言王當有天下及即位言驗得寵每奏天文必
指陳以撼京密白日中有黑子帝為之恐後屢白不

陳朝老

已上始疑京故罷辛巳以何執中為尚書左僕射兼
門下侍郎執中一意謹事蔡京遂代為首相太學生
陳朝老請闕上書曰陛下即位以來五命相矣若韓
忠彥之庸懦曾布之賊污趙挺之之蠢愚蔡京之跋
扈皆天下所不堪者今陛下知蔡京之姦解其相印
天下之人鼓舞有若更生及相執中中外黯然失望
執中雖不敢若京之蠹國害民然碌碌常質初無過
人天下敗壞至此如人一身臟腑受疹已深豈庸庸
之醫所能起乎執中夤緣攀附致位二府亦已大幸
遠俾之經體贊元是猶以蚤負山多見其不勝任也

疏奏不省而眷注益異。六月江淮大旱，秋七月丁未詔謫籍人除元祐奸黨外餘並錄用。八月帝親製大晟樂記命劉昂編修樂書為八論又為圖十二凡為書二十卷說者謂蔡京使昂緣飾之以布告天下云。丙申升融州為清遠軍節度。己亥韓忠彥卒忠彥字師朴琦子也舉進士嗣父為宰相質剛氣和不幸與羣奸同事身被五黜了無介懷亦不忝所生云。九月己未賜天下州學藏書閣名稽古。冬十月癸丑大雨震電滅六尚局供奉物。十一月丁未詔算學以黃帝為先師風后等八人配享巫咸

洪彥昇

等七人從祀。己巳蔡京進楚國公致仕仍提舉哲宗寶錄朝朔望石公弼言蔡京盤旋京師無去志其餘威震于羣臣願持必斷之決以消後悔殿中侍御史洪彥昇言蔡京再居元宰假紹述之名一切更張敗壞先朝法度朋奸誤國公私困敝既已上印而偃蹇都城上憑眷顧之恩中懷跋扈之志願早賜英斷遣之出京殿中侍御史毛注言京擅持威福動搖中外以翰林學士葉夢得為腹心交植黨與帝為逐夢得提舉洞霄宮而遷注為侍御史注復極論京受孟翊妖奸之書與逆人張懷素游處引凶朋林摠置政

毛注

府用所親宋喬年尹京其門人播傳咸謂陛下恩眷不衰行且復用太學生陳朝老亦疏京惡十四事乞投畀遠方以禦魍魎皆不報罷鑄夾錫錢
 四年春正月癸卯罷改鑄當十錢辛酉詔士庶拜僧者以太不恭論禁焚頂煉臂自毀者二月己丑以余深為門下侍郎張商英為中書侍郎侯蒙同知樞密院事蔡京既免商英自峽州起知杭州過闕賜對因奏曰神宗修建法度務以去太害興大利今誠一舉一廢行則盡紹述之美法若有弊不可不變但不失其意足矣遂留居政府帝嘗從容問蒙曰蔡京何如

人也蒙對曰使京正其心術雖古賢相何以加帝使密伺京所為京聞而銜之三月庚子募飢民補禁卒癸亥詔罪廢人稍加甄叙以責來效詔罷鑿算書畫學官鑿生入太鑿局算生入太史局書生入翰林書藝局畫生入翰林畫圖局夏四月己卯班樂尺于天下癸未蔡京上哲宗實錄五月丁未彗出奎婁長數丈歷閣道逆行入紫宮徧掃垣內外座俄又進掃帝座者再前後二十餘日乃滅甲寅立詞學兼茂科帝以宏詞科不足以致文學之士故改立是科歲附貢士院試去檄書而增制誥中格則授館

職歲不過五人。行三舍法于天下。榮州以王庠應詔。庠曰：管以母年五十二求侍養，不復願仕。今母年六十，乃奉詔豈本心乎？時嚴元祐黨禁，庠自陳。蘇軾蘇轍范純仁為知己。呂陶王吉嘗薦舉黃庭堅張舜民王鞏任伯雨為交游，不可入舉求仕，願屏居田里。朝廷知其不可屈，賜號處士，尋改潼川府教授。賜出身及章服，一日四命俱至，竟力辭不受。丙辰以彗見，避殿減膳，令侍從官直言指陳闕失。石公弼等遂極論蔡京罪，張克公亦論蔡京輔政八年，權震海內，輕賜予以蠹國用，託爵祿以市私恩，役將作以葺居第，用漕船以運花石，名為祝聖而修塔，以壯臨平之山。託言灌田而決水，以符興化之識。法名還送門號朝京，方田擾安業之民，圖土聚徙郡之惡，及不軌不忠之罪，凡數十事。毛注又論京罪積惡，大天人交譴，雖罷相，致政猶怙恩恃寵，偃居賜第，以致上天威怒，推原其咎，實在於京考京之罪，蓋不可以縷數。陛下去黨碑以開自新之路，京疾其異已而別為禁防，陛下頒明詔以來，天下之言京惡其議已而重致于法，以嚴刑峻罰，脇持海內，以美官重祿交結人心，錢鈔屢更而商賈不行，邊事數興而國力大匱，聲焰所震

第用漕船以運花石，名為祝聖而修塔，以壯臨平之山。託言灌田而決水，以符興化之識。法名還送門號朝京，方田擾安業之民，圖土聚徙郡之惡，及不軌不忠之罪，凡數十事。毛注又論京罪積惡，大天人交譴，雖罷相，致政猶怙恩恃寵，偃居賜第，以致上天威怒，推原其咎，實在於京考京之罪，蓋不可以縷數。陛下去黨碑以開自新之路，京疾其異已而別為禁防，陛下頒明詔以來，天下之言京惡其議已而重致于法，以嚴刑峻罰，脇持海內，以美官重祿交結人心，錢鈔屢更而商賈不行，邊事數興而國力大匱，聲焰所震

貶京

羅深

中外憤疾宜早令去國消弭天變甲子貶蔡京出居
 杭州丙寅余深罷深與蔡京結為死黨京既去國深
 不自安上疏乞罷乃出知青州貶王祖道為昭信
 節度副使放張莊于永州治其妄言拓地之罪六
 月乙亥以張商英為尚書右僕射兼中書侍郎初蔡
 京久盜國柄中外怨疾見商英能立異同更稱為賢
 帝因人望而相之時久旱彗星中天商英受命是夕
 彗不見明日雨帝喜因大書商霖二字賜之丙申
 薛昂罷秋七月辛丑詔方田官吏非特妄增田稅
 又兼不食之山方之俾出芻少之直民戶因而廢業

相商英

失所監司其罷方田悉令改正毋失其舊乙亥以
 劉正夫為中書侍郎侯蒙鄧洵仁為尚書左右丞庚
 辰以葉居厚為門下侍郎八月省冗官石公弼
 上疏言自崇寧以來任事之人專務僥功倖賞開邊
 則招納無窮修造日廣民力凋瘵飢疫相繼死者過
 半輓運花石荒廢農業黔南之役湖廣蕭然上天垂
 戒寧不在茲願息民以承天意何執中等毀之遂自
 兵部侍郎出知揚州閏月辛丑詔諸路事有不便
 于民者監司條奏之辛酉詔戒朋黨以張閣知杭州
 兼領花石綱九月丙寅朔日食冬十月丁酉立

鄭皇后 貴妃鄭氏為皇后，后開封人。本欽聖殿押班，初帝為端王常朝，欽聖太后、太后命后供侍及帝即位，遂以賜。帝后性端謹，好觀書，帝愛其才，寵冠後宮，竟立為后。鄭居中罷，以吳居厚知樞密院事，蔡京之罷，居中自許必得相，帝覺之不果用，至是復以外戚罷。十一月丁卯，郊改明年元。十二月庚戌，改謚靖和皇后為惠恭，出宮女四百八十六人。張商英請編熙寧元豐事號皇宋政典，詔就尚書省置局，商英謂蔡京以紹述為名，但劫制人主，禁錮士大夫耳，故作政典以黜其妄。

宋元通鑑卷第五十一

已未秋八月九日點之 林學士

宋元通鑑卷第五十二

明賜進士前憲大夫浙江按察司提學副使兩京吏禮郎中武進薛應旂編集

長洲 陳仁錫評閱

宋紀五十二 起辛卯至甲午凡四年

徽宗六

政和元年春正月壬申毀京師淫祠一千三十八區
 壬辰詔百官厲名節 二月丙午以太子少師鄭紳
 為開府儀同三司 三月己巳詔監司督州縣長吏
 勸民增植桑柘課其多寡為賞罰癸酉以王襄同知
 樞密院事 夏四月丙辰立守令勸農黜陟法 五

通鑑卷五十二
宋紀
月巳卯東南有星晝墮丁亥解池生紅鹽 六月甲寅復蔡京爲太子少師 秋八月乙未復蔡京爲太子太師丁巳張商英罷商英爲政持平改蔡京所鑄當十大錢爲當三以平泉貨復轉般倉以罷直達行鹽鈔法以通商旅蠲橫歛以寬民力勸帝節華侈息土木抑僥倖帝嚴憚之嘗茸升平樓戒主者遇丞相導騎至必匿匠樓下時稱商英忠直然意廣才踈凡所當爲先於公座誦言故不便者得預爲計初何執中與蔡京同相凡營立皆預議至是惡商英出已上與鄭居中日夜醞織其短先使言者論其門下客唐

庚竄知惠州初帝在潛邸方授郭天信言當居天位及即位頗睠寵之南英因與往來事覺居中因諷中丞張克公并論之遂罷政出知河南府尋貶爲崇信軍節度副使 九月戊寅王襄坐薦引近侍罷 遣端明殿學士鄭允中及童貫使遼童貫旣得志于西羌遂謂遼亦可圖因請使遼以覘之乃以鄭允中充賀遼主生辰使而以貫副之或言以宦官爲上介國無人乎帝曰契丹聞貫破羌故欲見之因使覘其國策之善者也遂行 冬十月羈管陳瓘于台州瓘以忤蔡京竄郴州瓘子正彙在杭訟京有動搖東宮迹

杭守蔡薺執正彙送京師陰告京俾爲計事下開封府併逮治瓘尹李孝壽逼使證其妄瓘曰正彙聞京將不利社稷傳于道路瓘豈得預知以所不知忘父子之恩而指其爲妄則情有所不忍挾私情以符合其說又義所不爲東之姦邪必爲國禍瓘固嘗論之於諫省亦不待今日語言間也內侍黃經臣蒞鞫聞其辭失聲太息謂曰主上正欲得實但如言以對可也獄具正彙猶以所告失實流海上瓘安置通州帝命宣取瓘所著尊堯集張商英先已取其集將上而商英罷相瓘遂表奏乞進尊堯集于御前開拆崇寧

初旣建辟廱詔以王安石封舒王配享宣聖廟肇創坐像瓘憤之併於奏牘寓意其畧曰代言之筆盡日其徒爲儒宗首善之宮肇塑其形爲坐像禮官舞禮而行諂吏書獻佞而請觀光乎仲尼乃王雱聖父之贊比諸孔子實卞等輕君之情彼衰周之僻主弃真儒之將聖當時不得配太廟之饗後世所以廣上下之祠今比安石爲僻王之臣則方神考爲何代之王又况一人幸學列辟班隨至尊拜伏於爐前故臣驕倨而坐視百官氣鬱多士心寒自有華夏以來無此悖倒之禮神考之再相安石始終不過乎九年安石

通鑑卷五十二 宋紀
之屏迹金陵。棄置不召者十載。八字威加于鄧綰。萬
機獨運於元豐。豈可於善述之時。忽崇此不遜之像。
又况臨川之所學。不以春秋爲可行。謂天子有北面
之儀。謂君臣有迭賓之禮。禮儀如彼。名分若何。此乃
衰世侮君之非。豈是先王訪道之法。顧川舊學記。刊
于四紀之前。辟水新雕像。成於一壻之手。唱如聲召。
應若響隨。其自叙則曰。愚公老矣。益堅平險之心。精
衛眇然。未舍填波之願。效而後已。志不可渝。望雖隔
於戴盆。夢不忘於馳闕。丹誠上格。天語遙詢。要觀尊
主之恭。緩議奸時之罪。淵冰在念。臬磔寧逃。奏上帝

謂其語言無緒。並係詆誣。羈管台州。人皆危之。權至
天台。猶表謝曰。知詆誣之不可。志在尊堯。豈行用之
敢私心。惟助舜。語言無緒。議論至迂。獨歸美於先猷。
遂大違於國。是不行毀弃。有誤咨詢。虛消十載之光
陰。靡恤一門之溝壑。果煩探路。特建刑章。若非蒙庇
於九重。安得延齡于再造。其凜凜不屈。蓋如此。初安
石嘗著日錄八十卷。權謂安石此書詆訕宗廟。及權
貶廉州。乃著合浦尊堯集。以日錄詆誣之罪。歸于蔡
卞。後又著四明尊堯集。痛絕王氏。以發揚熙寧用舍
宰臣本末之緒。而自明改過之心。至是貶台州。何執

中奉行蔡京風旨起遷人石慄知台州欲寘瓘以必
死慄至執瓘至庭大陳獄具將脇以死瓘揣知其意
大呼曰今日之事豈被制旨邪慄失措始告之曰朝
廷令取尊堯集爾瓘曰然則何用如許使君知尊堯
所以立名乎蓋以神考爲堯主上爲舜尊堯何得爲
罪時相學術短淺爲人所愚君所得幾何乃亦不畏
公議于犯名分乎况尊堯集已上進矣慄慙揖瓘使
退所以窘辱之者百端終不能害執中怒罷慄瓘平
生論束兄弟皆披擿其處心發露其情愆最所忌恨
故得禍最酷 童貫以遼李良嗣來初燕人馬植本

遼大族仕至光祿卿行汚而內亂不齒于人童貫使
遼道盧溝植夜見其侍史自言有滅燕之策因得見
貫貫與語大奇之載與俱歸易姓名曰李良嗣薦諸
朝植即獻策曰女真恨遼人切骨而天祚荒淫失道
本朝若自登萊涉海結好女真與之相約攻遼其國
可圖也議者謂祖宗以來雖有此道以其地接諸蕃
禁商賈舟船不得行百有餘年矣一旦啓之懼非中
國之利不聽帝召問之植對曰遼國必亡陛下念舊
民遭塗炭之苦復中國往昔之疆代天譴責以治伐
亂王師一出必壺漿來迎萬一女真得志事不侔矣

通鑑卷五十二 宋紀
帝嘉納之賜姓趙氏以爲秘書丞圖燕之議自此始
十二月己酉詔臺諫以直道覈是非毋憚大吏毋
比近習 是歲出宮女八十人

二年春正月甲子詔元符上書邪等人不得除監司
二月戊子朔詔蔡京復以太師致仕賜第京師京
自杭州召還帝宴之于內苑太清樓 遼主如春州
至混同江釣魚界外生女直酋長在千里內者以故
事皆來朝適遇頭魚宴酒半酬遼主命諸酋次第起
舞至阿骨打辭不能但端立直視遼主諭之再三阿
骨打終不從它日遼主密諭北院樞密使蕭奉先曰

遼蕭奉先

阿骨打跋扈如此可託以邊事誅之否則必貽後患
奉先曰彼斃人不知禮義且無大過而殺之恐傷向
化心設有異志最爾小國亦何能爲遼主乃止阿骨
打之弟吳乞買粘罕胡舍等嘗從遼主獵能呼鹿刺
虎搏熊遼主喜加以官爵阿骨打歸疑遼主知其異
志且以遼主淫醜不恤國政遂稱兵先併旁近部族
女直趙三阿鶻產拒之阿骨打虜其家屬二人走訴
咸州詳穩司送北樞密院蕭奉先作常事以聞遼主
命送咸州詰責欲使自新後數召阿骨打阿骨打不
至一日率五百騎突入咸州吏民大驚翌日赴詳穩

司與趙王等面折庭下阿骨打不屈送所司問狀一夕遁去遣人訴于遼主言詳穩司欲見殺故不敢留自是召不復至矣奉先遼主元妃之兄也外寬內忌因元妃故遼主深倚任之三月己巳御集英殿策進士賜及第出身七百十三人是科得李綱賜貢士間喜宴于辟廱仍用雅樂罷瓊林苑宴兵部侍郎劉煥言州郡歲貢士例有宴名曰鹿鳴乞于斯時許用雅樂易去倡優淫哇之聲夏四月辛卯復行方田監察御史李彥章請士毋得兼習史學詔從之五月己巳詔蔡京三日一至都堂議事京患言者

李綱

禁史學

議已乃作御筆密進而丐帝親書以降謂之御筆手詔違者以違制坐之事無巨細皆託以行至有不類帝書者羣下亦莫敢言由是貴戚近臣爭相請求至使中人楊球代書號曰書楊京復病之而亦不能止矣

呂中曰自奸臣創御筆之令凡私意所欲為者皆謂御筆行之違者有刑于是給舍不得繳臺諫不得言而紀綱壞矣管有勸仁宗攬權者上曰措置天下事正不欲從中出此言真為萬世法

利州路轉運副使張臣獻羨餘三十萬緡為言者所

陳顯

論尋除名竄池州 六月己丑以余深為門下侍郎
罷戶部尚書陳顯知越州顯因對言再用蔡京士民
失望帝怒故貶顯不復仕歸隱四明 秋七月壬申
訪天下遺書丙子置禮制局掌討論古今宮室車服
器用冠昏喪祭沿革制度及更制郊廟禮祀之器劉
昂領之 八月焚元祐制詞 九月壬午蔡京率意
自用欲更置官名以繼元豐之政乃首更開封守臣
為尹牧由是府分六曹縣分六案內侍省職悉倣機
廷之號修六尚局建三衛郎遂詔太師太傅太保古
三公之官今為三師古無此稱合依三代為三公為

大壞官制

真相之任司徒司空周六卿之官太尉秦主兵之任
皆非三公並宜罷仍立三孤為次相之任更侍中為
左輔中書令為右弼尚書左僕射為太宰兼門下侍
郎右僕射為少宰兼中書侍郎罷尚書及文武勛官
而以太尉冠武階然是時負既濫冗名且紊襍甚者
走馬承受升擁使華黃冠道流亦濫朝品元豐之制
至此大壞 冬十月乙巳內臣譚積經營河東邊事
至晉州得一物于民間似石非石似銅非銅長尺餘
闊寸餘厚二三分色赤黑 末素質中有古篆籀文
其上兩旁橫出兩尖如雲氣之狀莫知何物也積歸

通鑑卷五十二 宋紀
以進蔡京京見之謂此為元圭即天錫禹者晉堯所
都也宜獻之于上戊寅上受元圭于大慶殿受賀赦
天下執政皆進秩辛巳蔡京進封魯國公以何執中
為少傅改太宰仍兼門下侍郎 十二月丙戌加童
貫太尉 蜀夷內附置禛州 龐恭孫說誘之也
蘇轍卒轍字子由軾之弟也性沉靜簡潔為文汪洋
淡泊似其為人而秀傑之氣殆與兄軾相迫元祐秉
政力斥章蔡不主調停及議回河顧役與文彥博司
馬光異同西邊之謀又與呂大防劉摯不合君子不
黨於轍見之轍與軾進退出處無不相同獨其齒爵

安石追封
王子伯

皆優于軾說者謂造物所賦亦有乘除于其間哉
三年春正月癸酉追封王安石為舒王安石子雱為
臨川伯從祀孔子廟時五禮新儀成於正月元日舍
萊仲春仲秋上丁舍奠以充國鄒國公及舒王配享
殿上頒辟雍大成殿名於諸路州學 丁丑吳居厚
罷以鄭居中知樞密院事居厚久居政府以周謹自
媚雖無大惡可言然一時聚斂者推為首 二月辛
卯太后劉氏自殺帝以哲宗故曲加恩禮于后而后
頗干預外事且以不謹聞帝與輔臣議將廢之而后
已為左右所逼即簾鈎自縊歿年三十五謚昭懷

劉后不得
其死

三月壬子朔日食 夏四月癸巳鄧洵仁罷乙巳作
 玉清和陽宮在福寧殿東奉安道象帝所生之地也
 巳酉以薛昂為尚書右丞 庚戌班五禮新儀詔
 開封尹刊本給天下其不奉行者罪之又置禮制局
 討論古今宮室車服之度冠昏喪祭之則 閏月丙
 辰改公主為帝姬 五月丙午葬昭懷皇后于永泰
 陵 巳酉帝御崇政殿親按宴樂召侍從以上侍立
 詔曰太晟之樂已薦之郊廟而未施于宴饗比令有
 司播之教坊試於殿庭無恣遺焦急之聲嘉與天下
 共之可以所進新樂頒行其舊樂悉禁 六月癸亥

樂

樂

祔昭懷皇后神主于太廟 秋七月甲申還王珪孫
 固贈謚追復韓忠孝曾布安燾李清臣黃履等官丙
 子加俞執中為少師以燕樂成進執政官一等故也
 八月太晟府奏以雅樂中聲播於宴樂舊闕徵角
 二調及無土石匏三音今樂並已增入詔頒降天下
 九月賜方士王老志號洞微先生王仔昔號通妙
 先生老志濮人初為小吏遇異人授以丹遂弃妻子
 結茅廬田間為人言休咎多驗太僕卿王亶以名聞
 時帝方嚮道術乃召至京師館于蔡東第嘗緘書一
 封至帝所啓視乃管歲秋中與喬劉二妃燕好之語

通鑑卷五十二
也。由是益信之。號為洞微先生。朝士多從。求書。初若不可解者。卒應者什八九。其門如市。京慮大甚。漸以為戒。老志亦謹。畏乃奏禁絕之。踰年而死。仔魯洪州人。初隱于嵩山。自言遇許遜。得大洞隱書。豁落七元之法。能道人未來事。京薦之。帝召見。賜號冲隱處士。篆符有驗。進封通妙先生。由是道家之事日興。而仔昔恩寵寢加。朝臣戚里。夤緣關通。中丞王安中上疏請自今。招延山林道術之士。當責所屬。保任。宣召出入。必令察視其所經由。仍申嚴臣。庶往還之禁。并言蔡京欺君僭上。蠹國害民。數事。帝欣然納之。已而再

王安中

疏京罪。帝曰。本欲即行卿章。以近天寧節。俟過此。當為卿罷。京京伺知之。大懼。其子攸。日夕侍禁中。泣拜懇祈。帝為遷安中翰林學士。詔太晟樂。頒于太學。辟靡諸生習學。所服冠以弁袍。以素紗皂緣。紳帶佩玉。從劉昂製也。昂又上言曰。五行之氣。有生有尅。四時之禁。不可不頒。示天下盛德在木。角聲乃作。得羽而生。以徵為相。若用商則刑。用宮則戰。故春禁宮商。盛德在火。徵聲乃作。得角而生。以宮為相。若用羽則刑。用商則戰。故夏禁商羽。盛德在土。宮聲乃作。得徵而生。以商為相。若用角則刑。用羽則戰。故季夏土王。

宜禁角羽盛德在金商聲乃作得宮而生以羽爲相
若用徵則刑用角則戰故秋禁徵角盛德在木羽聲
乃作得商而生以角爲相若用宮則刑用徵則戰故
冬禁宮徵此三代之所共行月令所載深切著明者
也作樂本以導和用失其宜則反傷和氣夫淫哇滯
襍干犯四時之氣久矣陛下親洒宸翰發爲詔旨淫
哇之聲轉爲雅正四時之禁亦有所頒協氣則粹美
釋如以成詔令大晟府置圖頒降四年正月太晟府
言宴樂諸宮調多不正如以無射爲黃鍾宮以夾鍾
爲中呂宮以夷則爲仙呂宮之類又加越調雙調太

食小食皆俚俗所傳今依月律改定詔可 冬十一
月癸未祀天于圜丘帝執大圭以道士百人執儀仗
前導蔡攸爲執綬官玉輅出南薰門帝忽曰玉津園
東若有樓臺重複是何處也攸即奏見雲間樓臺殿
閣隱隱數重旣而審視皆去地數十丈頃之帝又曰
見人物否攸即奏有若道流童子持幡幢節蓋相繼
而出雲間眉目歷歷可識遂以天神降詔告在位即
其地建道宮名曰迎真作天真降臨示現記由是益
信神仙之事矣 十二月癸丑詔求道教仙經于天
下 遼女真部節度使烏雅束死阿骨打自稱都勃

通鑑卷五十二 宋紀
極烈遼使阿息保往謂之曰何故不生喪阿骨打曰
有喪不能弔而乃以爲罪乎。辛酉太白晝見。是
歲出宮女二百七十九人。

四年春正月戊寅朔置道階時王老志王仔昔徐知
常等得幸遂賜號先生處士等名秩比中大夫至將
仕郎凡二十六級後又置道官二十六等有諸殿侍
宸校籍授經以擬待制修撰直閣之名。二月癸酉
長子桓冠。夏四月庚戌幸尚書省以手詔訓誡蔡
京何執中各官遷秩癸酉閱太學諸生雅樂。五月
丙戌祭地祇于方澤。六月壬申以廣西溪洞地置

隆苑二州。秋七月丁丑置保壽粹和館以養宮人
有疾者戊寅焚苑東門所儲毒藥可以殺人者仍禁
勿得復貢。八月新作延福宮宮在大內北拱宸門
外初蔡京欲以宮室媚帝召內侍童貫楊戩賈詳何
訴藍從熙五人諷以內中逼窄之狀五人乃請因延
福舊名而新作之五人分任工役視力所致爭以後
麗高廣相夸尚各爲制度不務沿襲及成號延福五
位東西配太內南北稍劣其東直景龍門西抵天波
門其間殿閣亭臺相望鑿池爲海疏泉爲湖鶴莊鹿
砦文禽竒獸孔翠諸柵蹄尾動以千數嘉花名木類

聚區別怪石崑崙幽勝宛若天成不類塵境既成帝自爲文以記之其後又爲村居野店酒肆青帘于其間每歲冬至後即放燈自東華門以北並不禁夜徙市民行鋪夾道以居縱博羣飲至上元後乃罷謂之先賞尋又跨舊城修築號延福第六位復跨城外浚濠作二橋橋下疊石爲固引舟相通而橋上人物外自通行不覺也名曰景龍江夾江皆植奇花珍木殿宇對峙焉冬十月女真阿骨打叛遼取江寧州先因遼主好畋獵淫酗怠于政事每歲遣使市名鷹海東青于海上道出生女真使者貪縱徵索無藝女真

厭苦之及阿疎奔遼烏雅束屢以爲請遼主不遣阿疎遂以爲辭稍稍拒市鷹使者及阿骨打襲位相繼遣蒲家奴習古乃等索阿疎遼主終不許習古乃歸具言遼主驕肆廢弛之狀阿骨打乃召其所屬使備衝要建城堡修戎器遼主使侍御阿息保往詰之阿骨打曰我小國也事大國不敢廢禮大國德澤不施而逋逃是主以此字小能無望乎若還阿疎朝貢如故不然城未已也阿息保還遼主遂發渾河北諸軍益東北路統軍司阿骨打聞之謂其下曰遼人知我將舉兵集諸路軍備我我先發制之無爲人制乃

與撒改子粘沒喝等謀。遂集所屬諸部兵，以銀木可婁宿闇毋等爲將，而使婆盧火徵移懶路廸古乃兵。九月，阿骨打率兵進次寒晦城，諸部兵皆會于來流水，得二千五百人。數遼之罪，告于天地，曰：「世事遼國，恪修職貢，定烏春窩謀罕之亂，破蕭海里之衆，有功不省，而侵侮是加，罪人阿疎，屢請不遣。今將問遼之罪，天地其鑒佑之。」遂命諸將傳挺而誓。至遼界，遇勃海軍耶律謝十墜馬，阿骨打射殺之。阿骨打之子幹本與數騎陷遼圍中，阿骨打救之，免胄戰，或自刎射之。阿骨打顧見射者，一矢而斃，謂其下曰：「盡敵而止。」

衆從之，勇氣百倍。遼軍大奔蹂踐，死者十七八。撒改在別部聞之，使粘沒喝及谷神來賀勸，其稱帝。阿骨打曰：「一戰而勝，遂稱大號，何示人淺也。」進軍寧江州，填塹攻城。寧江人自東門出，阿骨打邀擊，盡殪之。遼統軍司以聞，時遼主射鹿于慶州，畧不介意。唯遣海州刺史高仙壽應援而已。十月朔，寧江州陷。遼防禦使藥太師奴被獲，阿骨打陰縱之，使招諭遼人，遂引兵還。初，女真部民皆無徭役，壯者悉爲兵，平居則漁畋射獵，有警則下令諸部徵之。凡步騎之仗糗皆自備焉。其部長曰孛董，行兵則稱曰猛安，謀克，猛安猶

千夫長謀克猶百夫長也凡以衆降附者率以猛安謀克之名授之十一月遼主聞寧江州陷召羣臣議漢人行宮副部署蕭陶蘇幹曰女真雖小其人勇而善射我兵久不練若遇強敵稍有不和諸部離心不可制矣今莫若大發諸道兵以威歷之非院樞密使蕭得里底曰如陶蘇幹之謀徒示弱耳但發滑水以非兵足以拒之乃以司空蕭嗣先爲東北路都統蕭撻不也副之發契丹奚軍二千及中京禁兵等七千屯出店河阿骨打帥衆來禦未至混同江會夜阿骨打方就枕若有扶其首者三寤而起曰神明警我

也即鳴鼓舉燧而行黎明至混同江遼兵方壞凌道阿骨打選壯士十人擊走之因帥衆繼進遂登岸與遼兵遇會大風起塵埃蔽天阿骨打乘風奮擊遼兵潰將士多歿其獲免者十有七人樞密使蕭奉先嗣先兄也懼嗣先得罪輒奏東征潰軍所至劫掠若不肆赦恐聚爲患遼主從之嗣先但免官而已自是諸軍相謂曰戰則有歿無功退則有生無罪故士無鬪志遇敵輒潰阿骨打進襲遼蕭敵里于幹鄰濼東殺獲甚衆遼人嘗言女真兵滿萬則不可敵至是始滿萬云十二月遼賓祥咸三州及鐵驪部叛降女真

任諒

鐵驪王奚回離保未幾逃歸以童貫為陝西經畧使初環州定遠大首領夏人李訛哆以書遺其國統軍梁哆陵曰我居漢二十年每見糧中轉輸例給空券方春未秋士有飢色若徑搗定遠唾手可取既得定遠則旁十餘城不攻而下矣我儲穀累歲掘地藏之太兵之來斗糧無齎可坐而飽也哆陵遂以萬人來迎轉運使任諒先知其謀募兵盡發窖穀哆陵圍定遠失所藏越七日訛哆遂以其部萬餘歸夏夏主築臧底河城故詔童貫為經畧以討之

宋元通鑑卷第五十二

巳未仲秋望至之

宋元通鑑卷第五十三

明賜進士前中憲大夫浙江按察司提學副使兩京吏禮郎中武進薛應旂編集

長洲

陳仁錫評閱

宋紀五十三 起乙未至丁酉凡三年

徽宗七

金女真稱帝

政和五年春正月壬申朔女真完顏阿骨打稱帝國號金先是阿骨打既屢勝遼其弟吳乞買率將佐勸其稱帝阿骨打不許阿離合懣蒲家奴粘罕等復以為言至是阿骨打始用鐵州降人楊朴策遂稱皇帝即位且曰遼以賓鐵為號取其堅也賓鐵雖堅終亦

通鑑卷五十三 宋紀
變壞惟金不變不壞金之色白先顏色尚白况所居
按出虎水之上於是國號大金建元收國更名旻追
尊祖龕福以下皆爲帝以吳乞買爲諱班勃極烈撒
改斜也爲國論勃極烈其國語謂金爲按出扃謂尊
大爲諱班謂國相爲國論斜也亦阿骨打弟撒改烏
古乃之孫也粘罕又名沒喝亦其國語云 庚辰旻
州夷反初知梅嶺砦高公老之妻宗女也嘗出金玉
器飲宴州夷酋卜漏等漏心豔之會瀘帥賈宗諒以
斂竹木擾夷部且誣致其酋卜固旁等罪夷人咸怨
漏遂相結因上元張燈襲破梅嶺砦虜公老妻及其

趙通定亂

器物四出剽掠梓州轉運使趙通聞之倍道趨瀘劾

馬覺

宗諒罷之詔康延魯代宗諒聽通節制通陰有專討
意兵端益大於是詔發陝西軍三萬以通爲招討使

張思正

通與別將馬覺張思正分道出期會于宴州漏據輪

种友真

縛大圍其山崛起數百仞林等深密諸夷爲通敗潰
者悉赴之乃壘石爲城柵以守通軍不能進巡檢

孫兵

种友直所部多思黔土丁習山險而多孫通遣土丁
捕之伐去蒙密綠崩石挽藤葛而上得孫數千頭束
麻作炬灌以膏蠟縛於孫背暮夜復遣土丁負繩梯
登崖巔乃縋梯引下人人銜枚挈孫蟻附而上比鷄

鳴友直等悉力擁刀斧穿箐入及賊柵出火焚炬孫
熱狂跳賊廬舍皆茅竹孫竄其上火輒發賊號呼奔
撲孫益驚火益熾官軍鼓譟破柵賊擾亂不復能抗
赴火墮崖歿者不可勝計斬數千人生擒下漏晏州
平拓地千里適為建城砦畫疆畝募人耕種且習戰
守號曰勝兵 遼主使僧家奴持書往金議和使為
屬國阿骨打遣賽刺復書云若歸叛人阿疎遷黃龍
府於別地然後議之金主自將攻遼黃龍府進薄益
州州人走保黃龍金取其餘民而去遼遣都統幹里
朶左副統蕭乙薛右副統耶律張家奴都監蕭謝佛

留將騎二十萬步卒七萬戍邊且屯田以為持久計
金主聞之率眾趨遼魯古城登高望遼兵若連雲灌
木狀顧謂左右曰遼兵心貳而情怯雖多不足畏遂
趨高阜為陣謀良虎以右翼先馳遼左軍左軍却婁
宿銀木可衝遼中堅陷陣力戰粘沒喝以中軍助之
遼兵遂敗金兵乘勢追躡至其營會日已暮圍之黎
明遼軍潰圍出金人逐北至阿婁岡遼步卒盡殫耕
具數千皆為金人所獲是役也遼人本欲屯田且戰
且守故併其耕具皆失之 童貫遣熙河經畧使劉
法將步騎十五萬出湟州秦鳳經畧使劉仲武將兵

冊皇太子

五萬出會州貫以中軍駐蘭州為兩路聲援仲武至
清水河築城屯守而還法與夏右廂軍戰于古骨龍
大敗之斬首三千餘 二月甲寅冊定王桓為皇太
子赦桓帝長子顯恭皇后所生 庚午以童貫領六
路邊事時永興鄜延環慶秦鳳經原熙河各置經畧
安撫司以貫統領之於是西兵之柄皆屬于貫 三
月辛未朔太白晝見 甲申追論至和嘉祐定策功
封韓琦為魏郡王復文彥博官 遼使張家奴等六
人齎書使金猶斥阿骨打名冀其降金主以為書辭
慢侮留五人獨遣張家奴還報書亦斥遼主名論遼

涇

使金

洪皓

崔縱

主降 癸巳賜禮部奏名進士六百七十人是科得
洪皓崔縱 夏四月甲辰作葆真宮改集賢殿為右
文殿置宣和殿學士以蔡攸為之 六月癸丑三山
河橋成初蔡京以孟昌齡為都水使者鑿大岷三山
兩河創天成聖功二橋調役夫數十萬至是畢工御
製橋銘未幾水漲橋壞遼復遣蕭辭刺使金金主以
書辭慢留之不遣 秋七月戊辰朔日食 丁丑詔
建明堂于寢廟之南初元豐禮官以明堂寓太慶殿
別請建立以盡嚴奉而未暇講求至是下詔曰宗祀
明堂以配上帝寓于殿寢禮蓋云闕崇寧之初嘗詔

建立去古既遠歷代之模無足循襲朕刺經稽古度以九筵分其五室通以八風上圓下方參合先王之制相方視址于寢之南僦工鳩材自我作古以稱朕昭事上帝率見昭考之心宣示圖式于崇政殿且以明堂宜正臨丙方近東以據福德之地乃徙秘書省于宣德門東而以省地營之命以蔡京為明堂使開局興工日役萬人 八月遼主下詔親征女真率蕃漢兵十餘萬出長春路命蕭奉先為御營都統耶律章奴副之以精兵二萬為先鋒餘分五部其出駱駝口別以漢步騎三萬南出寧江州發數月糧期必滅

女真 有星流出于柳其光照地色赤黃有尾占者

以為天子宗廟有喜國家建造宮室之祥蔡京率百

官表賀 安置太子詹事陳邦光于池州初蔡京獻

太子以大食國琉璃酒器羅列宮庭太子怒曰天子

大臣不聞以道義相訓乃持玩好之具蕩吾志邪命

左右碎之京聞邦光實激太子諷言者擊逐之 起

葉夢得知蔡州移師潁昌府發常平粟賑民常平使

者劉寄惡之宦官楊戩用事寄括部內得常平錢五

十萬緡請糴粳米輸後苑以媚戩戩委其屬持御筆

來責以米樣如蘇州夢得上疏極論潁昌地力與東

陳邦光
太子賢哉
亦危哉

吏治

南異願隨品色不報時帝郡糾民輸鐘就糴京師怨
聲載道獨賴昌賴夢得得免李彥括公田以黠吏告
訐籍郊城舞陽隱田數千頃民詣府訴者八百戶夢
得上其事捕吏按治之郡人大悅彥交怒尋提舉
南京鴻慶宮 九月金主攻遼黃龍府次混同江無
舟以渡金主使一人導前乘赭白馬徑涉曰視吾鞭
所指而行諸軍隨之以濟水及馬腹既濟使入測其
渡處深無涯涘於是遂克黃龍府遣蕭辭刺還遼曰
若歸我叛人阿疎即當班師遼師渡混同江副都統
章奴與耶律淳妃弟蕭諦里及其甥蕭延留等謀迎

金克黃龍府

立淳誘將士亡歸上京遣諦里以其謀告淳淳曰此
非細事主上自有諸王當立非南面諸大臣不來而
汝言及此何也密令左右拘之有頃遼主使行宮小
底乙信等持書至備言章奴之謀淳即斬諦里等携
其首單騎詣廣平淀待罪遼主遇之如初章奴知淳
不見聽乃率麾下掠取上京府庫財物至祖州帥其
黨告太祖廟數遼主過惡移檄州縣遂結勃海羣盜
至數萬趨廣平犯行宮不克北趨降虜山順國女真
阿鶻產以三百騎一戰勝之擒其貴族二百餘人並
斬以徇餘得脫者皆奔女真章奴詐為使者欲奔女

真為邏者所獲縛送行在審斬于市 王厚與劉仲武合涇原鄜延環慶秦鳳之師攻夏滅底河城敗績死者十四五秦鳳第三將全軍萬人皆沒厚懼重賂童貫匿不以聞未幾夏人大掠蕭關而去 冬十月癸卯以嵩山道人王仔晉為冲隱處士召陳顯為宣和殿學士不至 十一月庚寅高麗遣子弟入學凡五人明年親策賜四人上舍及第遣歸其國 十二月金主聞遼主親征乃聚眾以刀斨面仰天慟哭曰始與汝等起兵蓋苦契丹殘忍欲自立國今天祚親至奈何非人人歾戰恐不能當也不若殺我一族汝

王厚不終

全破遼

等迎降轉禍為福諸軍羅拜曰事已至此惟命是從金主遂帥師迎敵遼主自將至馳門駙馬蕭特末等將騎兵五萬步卒四十萬至斡鄰灤金主行次爻刺與其臣謀曰遼兵號七十萬其鋒不可當吾軍遠來人馬疲乏宜駐于此深溝高壘以待之會獲遼督餉者知遼主以章奴反西還已二日矣諸將請乘急擊之遂追遼主及于護步答崗金主曰彼眾我寡兵不可分視其中軍最堅主必在焉敗其中軍可以得志使右翼先戰左翼合而攻之遼兵大潰枕藉相屬百餘里獲輿輦帝幄兵械軍資它寶物馬牛不可勝紀

蕭特未焚營而遁金主亦退

六年春正月以瀘南獻捷轉宰執一官以童貫為

陝西兩河宣撫使遼東京留守蕭保先嚴酷渤海

苦之是月朔夜半有惡少年十餘乘酒執刀踰垣入

府刺殺保先戶部使大公鼎聞亂即攝留守事與副

留守高清明集奚漢兵千人盡捕其衆斬之撫定其

民裨將渤海高永昌時以兵二千屯八龍口見遼政

日衰金兵方強遂誘渤海并戍卒入遼陽據之旬日

之間遠近響應有兵八千人因僭號稱隆基元年遼

主遣蕭韓家奴張琳討之賜方士林靈素號通真

大公鼎

高清明

高永昌
僭號

達靈先生靈素温州人少從浮屠苦其師笞罵去為

道士善妖幻往來淮泗間丐食僧寺僧苦之及王

老志歿王仔管寵衰帝訪方士于左階道錄徐知常

知常以靈素對即召見靈素大言曰天有九霄而神

霄為最高其治曰府神霄玉清王者上帝之長子主

南方號稱長生大帝君陛下是也既下降于世其第

號青華帝君者主東方攝領之又有仙官八百餘名

今蔡京即左元仙伯王黼即文華使鄭居中童貫等

皆有名而已即仙卿褚慧下降佐帝君之治時劉貴

妃方有寵靈素以為九華玉真安妃帝心獨喜其事

種師道

甚加寵信遂賜號賞賚無算為改溫州為應道軍靈素本無所能惟稍習五雷法招呼風霆間禱雨有小驗而已 童貫使劉法劉仲武合熙秦之師十萬攻夏仁多泉城城中力守援不至乃降法受而屠之 渭州將種師道克夏滅底河城師道世衡之孫也 閏月丁未從林靈素之言立道學自元士至志士凡十二品歲大比許襴襪就試又用蔡京言集古今道教事為紀志賜名道史 二月丁亥詔增廣天下學舍詔修御河及廣京城 夏四月會道士于上清寶籙宮初帝以未得嗣子為念道士劉混康以法籙符

水出入禁中建言京城西北隅地協堪輿儻形勢加以少高當有多男之祥始命為數仞岡阜已而後宮生子漸多帝益信道教於是蔡攸謂有珠星辟月跨鳳乘龍天書雲篆之符以逢迎之及聞林靈素之言遂作上清寶籙宮密連禁署宮中山包平地環以佳木清流列諸館舍臺閣多以美材為楹棟不施五采有自然之勝若江南陳後主三品之石姑蘇唐白樂天所植之檜皆取以實之上下立亭宇不可勝計帝時登皇城下視之由是開景龍門城上作複道通寶籙宮以便齋醮之路 金人攻高永昌殺之遂取遼

金人殺高永昌取東涼南路

東京州縣初永昌使人求援于金且曰願併力以取
遼金主使胡沙補謂永昌曰同力取遼固可東京近
地汝輒據之以僭太號則不可若能歸款當授王爵
永昌不從金主乃遣幹魯帥諸軍攻永昌時遼張琳
等討永昌久不克幹魯與戰敗之遂取潘州永昌大
懼率眾拒金遇於活水金帥既濟永昌之軍不戰而
却遂北至遼陽城下明日永昌盡帥其眾與金戰又
大敗遂以五千騎奔長松遼陽人撻不也執永昌以
獻金主殺之于是遼之東京州縣及南路繫遼女真
皆降于金金主以幹魯為南路都統幹論知東京事

辛未何執中罷執中輔政一紀年高疾甚賜之寬
告尋以太傅就第朝朔望儀物廩稍一如居位時入
見帝曰自相位致為臣數十年無此矣執中對曰昔
張士遜亦以舊學際遇用太傅致仕與臣適同帝曰
當時恩禮恐未必爾執中頓首謝未幾卒執中字伯
通處州龍泉人嘗為端王侍講故終始恩遇不替然
無所建明惟以謹畏迎順主意而已平生夤緣攀附
擠排賢哲雖嘗置義莊以效范仲淹士人羞稱之
庚寅詔蔡京三日一朝正公相位總治三省事京改
都堂為公相廳時人稱為公相五月庚子以鄭居

鄭居中

中爲少保太宰劉正夫爲少宰鄧洵武知樞密院事
時蔡京大興工役民不聊生變亂法度吏無所師鄭
居中每爲帝言帝亦惡京專乃拜居中太宰使伺察
之又以正夫議論數與京異拜爲少宰居中存紀綱
守格令抑僥倖振淹滯士論翕然望治 六月丙寅
班中書官制格是月遼以耶律淳爲元帥 秋八月
壬午詔天下監司郡守搜訪巖谷之士雖恢詭譎怪
自晦者悉以名聞 九月辛卯朔帝奉玉冊玉寶如
玉清和陽宮上玉帝尊號曰太上開天執符御曆含
真體道昊天玉皇上帝詔天下祠天福地修建宮觀

塑造聖像又上地祇徽號曰承天效法厚德光大后
土皇地祇上寶冊儀禮一如上帝尋改宮名爲玉清
神霄宮又鑄神霄九鼎安置于上清寶籙宮之神霄
殿 己未以童貫爲開府儀同三司 冬十月乙丑
太白晝見 十一月庚子以自時中爲尚書右丞戊
申以侯蒙爲中書侍郎薛鼎爲尚書左丞是月夏大
舉攻涇原靖夏城時久無雪夏先使數萬騎繞城踐
塵漲天乃潛穿壕爲地道入城中城遂陷屠之而去
十二月乙酉劉正夫罷正夫在相位能迎時上下
持祿養權至是以開府儀同三司致仕 創公田所

以內侍楊戩主之皆按民契券而以樂尺打量其贏則拘入官而創立租課謂之公田錢於是民不勝其擾僅輸公田錢而正稅不充矣 茂州夷內附置壽寧延寧軍 帝一日忽夢人言樂成而鳳皇不至乎蓋非帝指也帝寤大悔歎謂崇寧初作樂請吾指寸而內侍黃經臣執謂帝指不可示外人但引吾手畧比度之曰此是也蓋非人所知今神告朕如此且奈何於是再出中指寸付蔡京密命劉昂試之時昂匿魏漢津初說但以其前議爲度作一長笛上之帝指寸既長于舊而長笛殆不可易以動人觀聽于是遂

止

七年春正月丁酉于闐入貢庚子以殿前都指揮使高侏爲太尉 二月癸亥廣州觀察使黃璘誘大理入貢詔以其主段和譽爲雲南節度使封大理國王 甲子會道士二千餘人于上清寶籙宮詔林靈素諭以帝君降臨事乙亥帝幸上清寶籙宮命林靈素講道經時道士皆有俸每一觀給田亦不下數百千頃凡設太齋輒費緡錢數萬貧下之人多買青布幅巾以赴日得一飮餐而視施三百謂之手道會且令士庶入聽靈素講經帝爲設幄其側靈素據高座使

通鑑卷五十三 宋紀
入於下再拜請問然所言無殊絕者時時襍以滑稽
媿語上下為大闕笑莫有君臣之禮復令吏民詣宮
授神霄秘籙朝士嗜進者亦靡然趨之 乙未以章
貴權領樞密院內侍自古無賜坐者時貫加開府儀
同三司領樞密院每春秋大燕則坐于執政之上日
與宰相同班進呈畢即自屏後入內復易窄衫與羣
閣為伍出則為大臣當體貌之禮入則為近侍執使
令之役古所未有也 夏四月庚申道籙院上章冊
帝為教主道君皇帝初帝諷道籙院曰朕乃上帝元
子為大帝帝君憫中華被金狄之教遂懼上帝願為

人主令天下歸于正道卿等可上表章冊朕為教主
道君皇帝于是道籙院上表冊之然止于道教章疏
內用而不施於政事 升溫州為應道軍以林靈素
故也 五月祭地于方澤 六月戊午朔以明堂成
進封蔡東為魯國公己巳蔡東辭兩國不拜詔官其
親屬二人 改節度觀察留後為承宣使 雨雹大
如升有二十魚落殿屋上人皆異之 秋七月壬辰熙
河環慶涇原地震旬日不正壞城壁廬舍居民歷死
者甚眾 置提舉御前人船所時東南監司郡官二
廣市舶率有應奉又有不待旨但送物至都計會宦

通鑑卷五十三 宋紀
者以獻大率靈壁太湖慈溪武康諸石二浙奇竹異
花海錯福建荔枝橄欖龍眼南海椰實登萊文石湖
湘文竹四川佳果木皆越海渡江設橋梁鑿城郭而
至植之皆生而異味珍苞則以健步捷走雖其遠數
日即達色香未變也至是蔡京又言陛下無聲色犬
馬之奉所尚者山林間物乃人之所弃但有司奉行
之過因以致擾願節其浮濫乃請作提舉淮浙人船
所命內侍鄧文誥領之詔自後有所用即從御前降
下乃如數貢餘不許妄進意欲以便民而實擾害如
故八月癸亥鄭居中罷居中與蔡京不相能至是

以母喪去位京懼其起復以居中王珪壻也乃使蔡
確子懋重理定策事以沮之遂追封確清源郡王御
製文立石墓前欲借是撼居中然卒不能害懋即涓
也遠主自燕至陰涼河募遼東人為兵使報怨于
女真號曰怨軍凡八營二萬八千餘人屯衛州蒞黎
山以渤海鐵州人郭藥師等為帥九月乙未劉正
夫卒正夫字德初衢州西安人由博士入都馴致宰
相能迎時上下持祿養權性貪吝唯恐不足於財晚
年築第杭州萬松嶺以建闕奉御書為名悉取其旁
民舍未幾盡燬冬十月乙卯朔初御明堂班朔布

政 戊寅庚辰罷知亳州蔡京惡之也 十一月庚寅命蔡京五日一赴都堂治事辛卯起復鄭居中為太宰以余深為少宰白時中為中書侍郎 十二月戊申朔有星如月南行光采照耀與月無異 丁巳以薛昂為門下侍郎 方士王仔偁倨傲而聽帝待以客禮故遇宦侍若童奴又欲羣道士皆宗已林靈素忌之乃與宦者馮浩誣以言語怨望下獄死 戊辰帝言天神降于坤寧殿詔示百官且刻石以紀之初帝感于林靈素之言建宮觀徧天下又造青華帝君正書臨壇及火龍神劍夜降內宮之事託天神臨

降造帝誥天書雲篆務以惑世欺衆其說妄誕不可究質官者道士有所不狹必託為帝誥則莫不如志尋加靈素號通真達靈元妙先生張虛白通元冲妙先生視中大夫出入訶引至與諸王爭道都人稱曰道家兩府其徒美衣玉食者幾二十萬人 庚午作萬歲山命戶部侍郎孟揆於上清寶籙宮東築山以像餘杭之鳳皇山號曰萬歲 竄侍御史黃葆光于昭州初葆光為左司諫始蒞職即言三省吏猥多乞非元豐舊制者一切革去帝命釐正之一時士論翕然蔡京怒其異已密白帝降內批云當豐亨豫大之時

通鑑卷五十三 宋紀
為衰亂減省之計。徙為符寶郎。明年復拜侍御史。至
是大旱。帝以為念。葆光上疏言。蔡京彊悍自專。侈大
過制。無君臣之分。鄭居中。余深依違。畏避不能任天
下之責。故致此異。疏上不報。京權執震赫。舉朝結舌。
葆光獨出。方攻之。京懼。中以它事。遂有是竄。金都
統幹魯古及遼耶律淳戰。淳敗。遂拔遼顯州。于是乾
懿豪徵成川惠七州皆降金。遼東鐵州人楊朴言
于金主曰。自古英雄開國。必先求大國封冊。金主從
之。乃遣使求封冊于遼。使至。遼時遼東諸州盜賊蜂
起。掠民以充食。樞密使蕭奉先等勸遼主許之。

遼封金

宋元通鑑卷五十三

己未仲秋二十二日點之

趙鼎氏

